



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Totivs Provinciæ Et Montispessulani, sancti Ægidij, & Arelatensi domorum
militiæ templi magistris.

urn:nbn:de:hbz:466:1-20020

NARBONENSI ARCHIEPISCOPO
& Episcopo Vticensi apostolicae
sedis Legatis.

Epist. 168.
Commendat
eius eundem
Marcum.

ET si minimè dubitemus quin nuntios nostros quoslibet & in quibus convenit honoretis, quia tamen illos volumus propensius honorari quos pro suorum exigentia meritorum habemus inter alios cariores, pro iis affectuosius vos rogamus. Hinc est quòd eum dilectum filium magistrum Petrum Marcum Subdiaconum nostrum correctorem litterarum nostrarum pro colligendis censibus Ecclesiae Romanae ac aliis negotiis destinemus, ipsum tanto vobis attentius duximus commendandum quanto & personam ipsius probitatis suae merito carius amplexamur & negotia ipsi committimus potiora. Ideoque fraternitatem vestram rogamus attentius & monemus, per apostolica vobis scripta mandantes quatenus eundem magistrum ob reverentiam apostolicae sedis & nostram tanquam specialem nuntium nostrum habentes propensius commendatum, impendatis ipsi consilium efficax & auxilium opportunum, ut ipse iuncta sibi negotia ope vestra suffultus valeat auctore Domino feliciter consummare, ac nos devotionem vestram merito commendare possimus. Datum ut supra.

UNIVERSIS PRAELATIS
Ecclesiarum Ecclesiae Romanae censualium
per Narbonensem, Arelatensem, Aquensem,
& Ebrudunensem provincias, & Albiensem,
Rutenensem, Caturcensem, & Agen-
nensem dioeceses constitutis.

Epist. 169.
De eadem re.

Cum dilectum filium magistrum Petrum Marcum Subdiaconum nostrum pro colligendis Ecclesiae Romanae censibus & aliis negotiis destinemus, universitati vestrae per apostolica scripta praecipiendo mandamus quatenus ipsum, qui suae merito probitatis nobis & fratribus nostris carus & acceptus existit, ob reverentiam apostolicae sedis & nostram tanquam specialem nuntium nostrum recipientes benignè ac honorificè pertractantes, census nobis debitos fideliter exsolvatis eidem; ita quòd gratiam vobis ex debito comparetis, & nos id merito gerere debeamus acceptum. Datum ut supra.

NARBONENSI ARCHIEPISCOPO
apostolicae sedis Legato & suffraganeis eius.

Epist. 170.
Super eodem.

Licet summi patris familias exemplo, cuius vicem immeriti eodem gerimus

disponente, quod uni ex minimis nostris fit, nobis factum rationabiliter reputemus, illos tamen volentes propensius honorari quos propriae merita probitatis nobis advehunt carius amplexandos & honore constituunt digniores, pro iis specialius devotis nostris, cum expedit, preces dirigimus & mandata. Cum igitur dilectum filium magistrum Petrum Marcum &c. ut supra usque destinemus, fraternitatem vestram rogamus attentius & monemus, per apostolica vobis scripta praecipiendo mandantes quatenus ipsum, qui suae merito probitatis nobis & fratribus nostris carus & acceptus existit, ob reverentiam apostolicae sedis & nostram tanquam specialem nuntium nostrum recipientes benignè ac honorificè pertractantes, de censibus vestris faciatis eidem in dioecibus vestris fideliter responderi; ita quòd sollicitudinis vestrae studium pareat in effectu, & nos devotionem vestram debeamus exinde merito commendare. Datum ut supra.

In eundem modum scriptum est Archiepiscopo Arelatensi & suffraganeis eius, Aquensi Archiepiscopo & suffraganeis eius. In eundem modum suffraganeis & Capitulo Ebrudunensis Ecclesiae.

NOBILI VIRO SIMONI
de Monteforti Comiti Leucegrina,
Vicecomiti Biterrensi.

Nobilitati tuae gratiarum dignas referimus actiones quòd, sicut dilectus filius frater Constantinus conversus Cartusienensis nobis exposuit, tu volens nobis in mille marcis argenti liberaliter subvenire, Raimundum & eliam de Caturcio fecisti juramento praestito corporaliter obligari ut eas cui voluerimus nomine nostro persolvant. Ideoque devotionem tuam rogamus attentius & monemus, per apostolica tibi scripta mandantes quatenus dilecto filio magistro Petro Marco Subdiacono nostro correctori litterarum nostrarum, cui hoc duximus committendum, sine difficultate facias nostro nomine assignari. Datum ut supra.

TOTIVS PROVINCIAE ET
Montispeffulani, sancti Egidij, & Arelatensis domorum militiae templi magistris.

Devoitionem vestram monemus attentè, per apostolica vobis scripta praecipiendo mandantes quatenus cum a dilecto filio magistro Petro Marco Subdiacono nostro correctore litterarum nostrarum fueritis requisiti, pecuniam quam vo-

rebelles ratam & firmam habebimus, & eam auctore Domino faciemus firmiter observari. Datum Laterani III. Idus Octobr. pontificatus nostri anno quintodecimo.

In eundem ferè modum scriptum est Capitulo & populo Troianis usque terminetur. Eisdem autem Fogetanis nostris damus litteris in mandatis ut ipsi Episcopo humiliter intendentes, obedientiam & reverentiam exhibeant tam debitam quàm devotam. Alioquin sententiam quam idem Episcopus rationabiliter tulerit in rebelles ratam & firmam habebimus, & eam auctore Domino faciemus firmiter observari.

PATRIARCHÆ ANTIOCHENO.

Epist. 181.
De querelis adversus eum excitatis.

E Am gerimus de tua religione fiduciam ut te nullum ex certa scientia gravare contra justitiam arbitremur, nec credamus quòd propter incrementum quantumlibet temporalium, aeternorum velis incurere detrimentum, cum Dominus in te dudum ignem accenderit caritatis, ut non querat quæ tua sunt, sed quæ Christi, atque ad suscipiendum Antiochenæ Ecclesiæ regimen non respectus temporalis commodi te induxerit aut patriarchalis ambitio dignitatis, sed caritatis & obedientiæ virtus, & zelus ac devotio nominis Christiani, cupientem prodesse potius quàm præesse, ac memorem quòd secundum testimonium veritatis nihil prodest homini si cum detrimento animæ mundum lucratus fuerit universum. Si ergo querela de te aliquando proponitur coram nobis, aut injustam fore credimus querimoniam, aut innocentiam tuam per ignorantiam facti seu modo alio circumventam. Unde nulli fiducialius facta tua committimus discutienda quàm tibi, qui ut futurum securus possis expectare iudicium, in præsentem, consilio utens Apostoli, sollicitè iudicas te metipsum. Noveris autem dilectum filium Iterium Ecclesiæ tuæ Canonicum nobis humiliter intimasse quòd cum felicis memoriæ Petrus avunculus ejus prædecessor tuus, qui propter justitiam non solum persecutionem passus est, sed & mortem, sibi & fratri suo mille Bisantios Sarracenos dedisset in studiis scholasticis expendendos, tu ipsos à magistro recipiens Hospitalis, penes quem cum rebus aliis depositi fuerant, eos dicto Canonico & ejus fratri hæcenus restituere non curasti, eundem Iterium quadam quarta, quam Patriarcha prædictus in augmentum præbendæ suæ sibi de consensu Capi-

*Vide lib. 10. tit. 14. & lib. 11. tit. 45.

tuli Antiocheni contulerat, & quadam gasta quæ Naria vulgariter appellatur, pro tuæ voluntatis arbitrio spoliando. Insuper cum idem Patriarcha redditus sui fratris & suos, quos ante captionem suam tempore longo perceperat, restitui præcepisset eisdem, tu redditus ipsos de castro Cursarij, ubi repositi fuerant, faciens asportari, tam illos quàm proventus qui de beneficiis suis post captivitatem & mortem ejusdem Patriarchæ biennio provenerunt ad mille aureorum valentiam, ac etiam coopertorium quoddam & alia quæ custodia bonæ memoriæ. . . Decani Antiocheni deputata fuerant, in ejusdem & fratris sui detinens detrimentum, ea sibi restituere contradicis. Unde nobis humiliter supplicavit ut super hoc eorum gravaminibus succurrere dignaremur. Credentes igitur quòd eis justitiam suam melius conservare non possumus quàm si prædicta providentiæ tuæ iudicio committamus, fraternitatem tuam monendam duximus attentius & rogandam, per apostolica tibi scripta mandantes quatenus super præmissis sollicitè studeas inquirere veritatem, & si querelam eorum inveneris esse justam, cum super iis decipi potueris tamquam homo, taliter eis satisfacias de prædictis quòd ex hoc tua, quod absit, apud homines non lædatur opinio, nec apud Deum gloria tua, quæ est tuæ conscientiæ testimonium, minuat; nos quoque, quos susceptæ servitutis officium universis constituit debitores, eisdem super his querimoniam replicantibus alium non cogamur concedere cognitorem. Datum Laterani VI. Idus Octobr. pontificatus nostri anno XV.

In eundem ferè modum scriptum est super hoc Patriarchæ Ierosolymitano apostolicæ sedis Legato usque cogamur concedere cognitorem. Ideoque fraternitati tuæ per apostolica scripta mandamus quatenus ipsum ad id diligenter moneas & inducas. Datum ut supra.

INDICITVR SUPPLICATIO generalis.

IN nomine patris & filij & spiritus sancti. Amen. Quarta feria infra octavam Pentecostes fiat generalis processio virorum ac mulierum pro pace universalis Ecclesiæ ac populi Christiani, specialiter autem ut Deus propitius sit illis in bello quod inter ipsos & Sarracenos dicitur in Hispania committendum; ne det hereditatem suam in opprobrium, ut dominantur eis nationes. Et ad hanc processionem omnes omnino moneantur venire, nec ab ea se quisquam excuset præter illos qui habent inimicitias capitales. Summo itaque mane conveniant mulieres apud sanctam Mariam

R R r r iij